

(ciep geiz gonq)

Duenh roen neix engq lingq engq yiemj, caeklaiq song henz miz diuz lanzganh hawj vunz gaem. Youq dieg haijbaz sang benz doxhwnj daegbieg dwgrengz, moix senj yamqdin cungj sinhoj. Miz haujlai hekyouz benz daengz doekbyongh couh mbouj nyienh caiq benz lo. Gou yaep benz yaep dingz, haeujsim diemheiq baujcz rengzndang, mwh gou benz daengz aen bingzdaiz cei q dingjgwnz daengx ndang cungj dwg hanh caez. Goengmbwn lumjdwg roxyiuj nei, yaepyet youh bienq ndaej seuqsag hwnjdaej.

Saedcaeq aen bingzdaiz daihsam haijbaz lij ngamq dwg 4680 mij, liz dingjbya vanzlij haemq gyae, mboujgvaq caiq mbouj miz roen benz doxhwnj lo. Daujyouz naeuz naemj daengz sengmingh ancienz, hix mbouj caiq hawj hekyouz luenh benz hwnjbae. Gizde cei q yinx mwngz danqhaenh dwg, miz song diuz raemxnae daj caeksang bonghsasa doekroengz congnae laeg bae, yienj ok yiengh baijdaez “lungzsaenz raen gyaeuj mbouj raen rieng”; youq gizde, mwngz ndaej yawjraen dingjbyanae lumj gyaeuj duzlungz nei, youq ndit ciuq baihlaj fat ok ndongqlwenq; mwngz hix ndaej yawjraen mij ndit ndeu yiengh riuzgangj ndawbiengz haenx.

Gwnz dwg mbwnlamz fwjhau, laj dwg rinranx naegiet. Rumzbya yied ci yied haenq, gou ndaengmoj ciuhvunz ngoenzneix ndaej benz daengz dieg haijbaz baenz sang!

Byanaeyilungz youq ndawsim



gyoengq beixnuengx Nazsihcuz dwg byasaenz, gij gojgaeq gvendaengz de miz lai yiengh. Miz vunz riuzgangj de dwg duzsaenz baujhoh gyoengq beixnuengx Nazsihcuz — Saenz—sanhdoj. Moix bi liggaueq ngeih nyied cobet youq din Byanaeyilungz cungj miz aen yizsi baiq saenzsanhdoj ndeu, gij laizyouz de couhdwg yienghneix okdaej. Daujyouz lij lwnh aen gojgaeq ndeu hawj dou nyi: Gaxgonq miz daeg mbauq Nazsihcuz ndeu, aenvih de maj ndaej mbauqndei, yinx dwk gyoengq saulengj seiqlengq ceng daej caeuq de damzyoux. Vih hawj daegmbauq yawj hwnj swheij, moix bi sam nyied sam haicin cungj miz bang sau daej bakdou ranz de diuq foux eu fwen, hoeng daegmbauq cungj mbouj leixlangh gyoengqde. Miz baez ndeu, bang sau neix youh doengx—haemh youq gizde ciengq go diuq foux, guh daengz daegmbauq ninz mbouj ndaek. De cijndaej hai dou ok rog daej gvaeh, sawqmwh ngaiz sing fwen goksak ndeu yinx dwk mbouj nyienh byaij lo, laxlawz dwg dah saulengj ndeu daegdaengq eu fwen daej hawj de nyi. Daegmbauq simdoengh lo,

caeuq dahsau doi q fwen daengx hwnz, mbouj rox mbouj nyinh song bouxde doxmaij hwnjdaej. Mwh yaek faenbiek, daegmbauq daengq dahsau naeuz: Bilaeng haicin de youq hamq baihnanz Dahginsahgyangh caj de baenzranz, dahsau sim angq dangq—maz …… Muengh ha, muengh ha, daegmbauq youq henz dah caj bae muengh dauq, hoeng cungj mbouj raen dahsau daej caeuq de doxraen. De youh itcig ndwn youq gizde caj bi daengz bi. Doeklaeng miz vunz naeuz de nyi, aenvih dahsau mbouj nyienh bohmeb bik de haq hawj bouxmiz, diuq Dahginsahgyangh dai lo. Daegmbauq rox le siengsim dangqmaz, gietdingh ciuhvunz mbouj caiq damzyoux. Daj mwhde hwnj daegmbauq ngoenz—ngoenz ndwn henz dah ngeix dahsau, ngeix ha ngeix ha, ngeix daengz byoemgyaeuj hau liux, doeklaeng de bienqbaenz gyoengq Byanaeyilungz. Miz vunz youh naeuz, song diuz raemxnae dingj Byanaeyilungz dwg gij raemxda daegmbauq ne! Daujyouz lij naeuz, beixnuengx Nazsihcuz soqlaiz yawjnaek gamjcengz, gyoengqde dawz cingzmaij beijlumj byanae baenzneix

cinghseuq!

Dingqny i daujyouz lwnh daengz gizneix, gou doi q goengqbya lajdin neix gingqboiq hwnjdaej, hix doi q song diuz raemxnae dangqnaj miz yiengh ndiepgyaez ndeu. Dwg ha, goengq bya neix dwg duz saenzsanhdoj, de mboujdanh henhoh gyoengq beixnuengx Nazsihcuz caeuq hawj gyoengqde fat ok yiengh Dunghbah Vwnzva gaeuqgeq caemhcai q lij henhoh doenghgij beixnuengx gak aen minzcuz seiqlengq de hoengghwd doxhuz; de baenzneix hausag cinghseuq, cix rox hawj dieg baihnanz riuzgangj baenzlai gojgaeq doxmaij doenghvunz, lumj gojgaeq Ronghndwen Okdaej Ronghsagsag, Haj Duj Vagim, Ahsihmaj……

Raemxmok daj dingjbya menh—menh gienj roengzdaej dawz dou homh dwk, hawj dou lumjdwg menhbyaij youq ndaw fwj, yiengh gingjsien neix dwg boux dieb daengz neix cij ndaej daejniemh daengz ha! Fwjndaem gwnz gyaeuj yied daej yied na, rumzbya beij daxbaenh ci ndaej engq haenq lo, yawjdaej fwnraq youh yaek daengz, dou mbouj ndaej mbouj byaij dauq dieg bingzdaiz hung daengznduj neix.

Mwh doxdaej youq ndaw lanj—ceh, gou haeujsim yawj doengh gvangqlangh lajdin byanae, gou rox doenghgo gwnz gauhyenz baenzneix heuyauyau, dwg baengh miz raemxnae daej nyinhcumx; hix dwg caemh aen laizyouz neix, mieng singz Li’ gyangh cij rox raemx lae cien bi mbouj rox duenh gvaq! (sat)

Doengzhag Donhciuh Cingz

同 学 半 世 情

□Laoz Han' gvangb/蓝汉光

Mbwk: Gyanghwnz ninz mbouj ndaek, Dingq gaeujvaeg dingh geng; Aen sinhoj dwgrengz, Ngoenzneix deng cij rox.

Caengz gwn gvaq makdoengj, Mbouj rox soemj rox diemz; Aen sinhoj dwgrengz, Ngoenzneix deng cij rox.

Nuengx nyaeb loek duzbaiz, Dai lwgda mbouj laep; Gyanghwnz ninz mbouj ndaek, Dingq gaeujvaeg dingh geng.

Sai: Gaeq haen sei q haen sam, Mbouj nanz ranz cix rongh; Lajmbwn ndi gag nuengx, Seizgonq daihbaj vunz.

Gonq daet gaeu langh faex, Ngoenzneix ndaej soeng ndang; Gaeq haen sei q haen sam, Mbouj nanz ranz cix rongh.

Nyaeb duzbaiz mbouj ndei, Vut roengz reih cij sueng; Lajmbwn ndi gag nuengx, Seizgonq daihbaj vunz.

Mbwk: Riengz doih gangj goj riu, Simciuz gag gwnheiq; It youh gaz lwgsaeq, Ngeih youh heiq guhhong.

Gwnz mbwn roengz begsiet, Cienz rwed doi q goliux; Riengz doih gangj goj riu, Simciuz gag gwnheiq.

Ngoenz cibngeih cungdaez, Hwnj roengz laeuz cungj geiq; It youh gaz lwgsaeq, Ngeih youh heiq guhhong.

Sai: Aen nanzcawq haemzhoj, Camz ce coq gwnzndang; Rumzbaek mbouj geij nanz, Rumznamz couh gvaqdaej.

Gip hix mbouj boux bang, Fanz hix mbouj boux gyoh; Aen nanzcawq haemzhoj, Camz ce coq gwnzndang;

Naihsim ciengx lwgsaeq, Cinj faexndoek buenx rangz; Rumzbaek mbouj geij nanz, Rumznamz couh gvaqdaej. (5)

21、Youq Liengzdzungz Maeuqdiemj.

Bi 1964 ndwen 9, Swcigh Dangiveij ciuq gij baijbouh cunghyangh, daj swcigh, digih, yienh sam gaep ndawde coudiuh bang ganbu okdaej, gyoebbaenz 5 aen duenzguh hong, faenbied bae daengz Vujmingz、Canghvuz、Yilinz、Yungzanh、Cingsih 5 aen yienh guh hong sawqdiemj “sei qcing” lajmbanj, geij boux Swcigh Dangiveij suhgi, cawz gij vunz louz youq gihgvanh cujcz hongbingzseiz caeuq ca hong se gyau aensingz haenx le, cungj haeuj mbanj maeuqdiemj bae lo.

Vihliux fuengbienh lienzhaeh vunzmbanj, Veiz Gozcingh vaqmingz heuh guh “Veiz Dungh”, caeuq gij doengzdoi hwnq youq ndwen 9 ngoenz 15 doengzcae z daj yienhsingz Vuj—

mingz byaij daengz Cwngzsiengh Gih Liengzdzungz Gunghse, haeuj ranz binznungz ndeu bae youq.

Seizde, Guengjsae siu bae le dadui aen genci neix, gaij dagunghse baenz gih. Liengzdzungz Gunghse yienzlaiz dwg aen dadui ndeu, dagunghse gaij baenz gih le cix baenz le Liengzdzungz Gunghse, bi 1965 seizdoeng siu gih dauqfuk dagunghse le youh bienqbaenz Liengzdzungz

Dadui, seizneix dwg Cwngzsiengh Cin Mbanjdadungz caeuq Mbanjdaliengz song aen mbanj neix.

Aendoih guh hong “sei qcing” Liengzdzungz miz 100 lai vunz, cujyau dwg gij ganbu swcigh caeuq Vujmingz Yen. Youz Swcigh Dangiveij Senhconzbu fubucangj Ho Yiyenz guh duicangj, Vujmingz Yen fuyencangj Dwng Veizcoz dwg fuduicangj. Doihguh hong laeb miz

ranzbanhgoeng bonjfaenh, faen 6 gai q dieg bae guh hong.

Haeuj diemj le, gyoengq boux gunghcozdui hagsib le gij gingniemh diegrog. Veiz Gozcingh giengzdiuh, cingzgvang bouxwnq caeuq cingzgvang raeuz mbouj doxdoengz liux, gij gingniemh ndei bouxwnq, raeuz aeu hawsim hagsib, hoeng, gaej gihgai bae ciuqbuen.

(caengz sat)

Veiz Gozcingh Sangcieng Cawj—guenj Guengjsae Ngeihcib Bi

韦 国 清 上 将 主 政 广 西 二 十 年

□Hoz Saubangj sij Cinz Siengzcouh Liuz Gingliuj Cinz Siengzgen hoiz

mingz byaij daengz Cwngzsiengh Gih Liengzdzungz Gunghse, haeuj ranz binznungz ndeu bae youq.

Seizde, Guengjsae siu bae le dadui aen genci neix, gaij dagunghse baenz gih. Liengzdzungz Gunghse yienzlaiz dwg aen dadui ndeu, dagunghse gaij baenz gih le cix baenz le Liengzdzungz Gunghse, bi 1965 seizdoeng siu gih dauqfuk dagunghse le youh bienqbaenz Liengzdzungz

Dadui, seizneix dwg Cwngzsiengh Cin Mbanjdadungz caeuq Mbanjdaliengz song aen mbanj neix.

Aendoih guh hong “sei qcing” Liengzdzungz miz 100 lai vunz, cujyau dwg gij ganbu swcigh caeuq Vujmingz Yen. Youz Swcigh Dangiveij Senhconzbu fubucangj Ho Yiyenz guh duicangj, Vujmingz Yen fuyencangj Dwng Veizcoz dwg fuduicangj. Doihguh hong laeb miz

ranzbanhgoeng bonjfaenh, faen 6 gai q dieg bae guh hong.

Haeuj diemj le, gyoengq boux gunghcozdui hagsib le gij gingniemh diegrog. Veiz Gozcingh giengzdiuh, cingzgvang bouxwnq caeuq cingzgvang raeuz mbouj doxdoengz liux, gij gingniemh ndei bouxwnq, raeuz aeu hawsim hagsib, hoeng, gaej gihgai bae ciuqbuen.

(caengz sat)